


CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JUL 22 1940

2

T9297/4911



海錄碎事卷二

塔佛大學漢和
圖書館珍藏印

宋 泉州太守葉廷珪 著

明 河南僉憲劉 鳳 校

天部下

歲曆門

太歲

太歲在寅曰攝提格卯單闕辰執徐巳大荒落午敦牂
未協洽申涇灘酉作洛爾雅作噩戌掩戌亥大淵獻子
困敦丑赤奮若 西漢天文志

司分

司分簡日注曆官也

白猿曆

周羣嘗學山中忽有白猿化為老人而至授書一卷乃黃帝而下曆日也羣遂洞明陰陽吳中人謂之陰陽之精

歲祀年載

夏曰歲商曰祀周曰年唐虞曰載

上元甲子

蕭邕永亨注上元甲子太初元年甲子朔旦冬至也前漢志

傳著傳音附著直畧反

辯士見一端或妄意以傳著星曆前漢

仙苑見節序門

傳送年見科第門

紀年門

改元

史記秦本紀惠文王十四年更為元年

年號

年號起自漢武帝建元元年

禾興

孫權改禾興為嘉興三國志

年紀

紀記也記其年之數也白虎通

春門

化先

開冬春徂物殘悴盈化先言初春化之先顏延年

駘蕩

朋情以鬱陶春物方駘蕩謝元暉選詩

蘭時

歡友蘭時往注云春時也陸子衡選詩

艷陽年

茲辰自為美當避艷陽年注謂春也鮑明遠詠雪

暖微霄

山滌餘霽宇暖微霄春景也陶詩

女夷

今春皞馭節女夷司景江文通

草浮光

敬岑草浮光句吐冰解脉謂春到也杜牧之詩

冰解脉見上

送春盃

悵望送春盃殷勤掃花筵杜牧詩

四刻長

雪後新正半春來四刻長杜牧早春詩

春祺

羣生嘒嘒惟春之祺嘒音湛前漢志

剪刀催

今年春色早應為剪刀催宋之問詩

汎花枝

五陵春色汎花枝陳羽詩

送春日

海錄碎事 卷二
倚劍登高臺悠悠送春日 李賀詩

春人

春意春已繁春人春不見 梁元帝

開春

開春發歲 楚辭

未春垂

崔駰臨洛觀賦云迎夏之首末春之垂

青鳥司開

青鳥司開條風發歲言春時 楚辭

熙春

熙春寒往 文選

夏門

首夏

首夏猶清和芳艸亦未歇 謝靈運詩

脩景

南陸迎脩景朱明送末垂 謂夏至後日影長送末垂六月將盡之時 潘安仁詩

恢台

收恢台之孟夏注夏以長物恢台長養也 楚辭

冰丸霜散

立夏日服六壬六癸符或玄冰丸飛霜散則暑不能侵 朝野僉載

第一聲

樺墮初開艷蟬聞第一聲 杜牧詩

盛長

朱明盛長前漢紀

秋門

蕭辰

哲匠感蕭辰蕭此塵外軫注謂秋風蕭索之辰文選

開秋

開秋兆涼氣蟋蟀鳴床帷阮嗣宗詩

杪秋

杪秋尋遠山山遠行不近謝靈運詩

金素

述職期闌暑理棹變金素西方其色白故云金素文選謝靈

運詩

火旻

秋岸澄夕陰火旻團朝露火心星為秋候旻秋天也文選

謝靈運詩

素節

金風扇素節丹霞啓陰期秋為白藏故云素節赤雲見

則雨文選張景陽詩

蕭瑟

悲哉秋之為氣也蕭瑟兮草木搖落而變衰楚辭九辯

凜秋

皇天平分四時兮竊獨悲此凜秋楚辭九辯

平分四時見上

踈杵

入夜聽疎杵遙知耿此情李餘慶詩

露先泣

露先泣殘蕙蟲響連夜發李賀詩

商天

戊日辭巢燕商天向浦鴻范絳詩

悲商

悲商叩林白雲依山仰睇天路俯促鳴絃淵明閑情賦

西顛

西顛沆碭秋氣肅殺西方少昊也前漢紀

一蟬鳴

羅鄴詩西風纔起一蟬鳴又時節一蟬催出門

霜輿

白帝霜輿欲御秋陸龜蒙詩

盛秋

將軍其率師東轅彌節白擅以臨右北平盛秋言秋高防入寇也李廣傳

天秋

天秋木葉下月冷莎雞悲李白詩

蕙草暮

蕙然蕙草暮颯爾涼風吹李白詩

弦海月

蓐收肅金氣西陸弦海月謂初秋也李白詩

秋興逸

我覺秋興逸誰云秋興悲李白詩

火落

火落金風高謂初秋也

李白詩

火逝

火逝首秋節謂七月也

謝靈運詩

虛星

尚書考靈曜曰虛星為秋候昴為冬期

育風

仲秋之月育風至鄭玄云疾風也

解華叢

密苑解華叢言秋至草木凋

楚辭

厲秋節

涼風厲秋節司典告詳刑

文選

風盈幙

肅肅風盈幙泫泫露傾枝

宋武帝秋夜詩

龍火西頽

七命曰龍火西頽龍火火星也秋則西南見

石鴈

南康記平固縣覆笥山上有湖中有石鴈每至秋天飛鳴如候時也

迅商

迅商薄清穹商風疾故曰迅商

謝宣遠詩

冬門

玄冥節

不隨妖艷開獨媚玄冥節

韋莊梅詩

解冬嚴

依稀和氣解冬嚴已就長日辭長夜 李賀詩

嚴冰在節

梁張纘謝果然禱啓嚴冰在節朔飈結宇吹綸愧煖挾
纘慙温

節序門

四節

四節逝不處繁華難久鮮 沈休文詩

鳥過目

人生瀛海內忽如鳥過目 張景陽雜詩

年芳

麗日属元巳年芳俱在斯 沈休文詩

臘一伏二

嶺表所重之節臘一伏二冬三年四 嶺表錄

練木華

練木華而石首至秋風起而鰕魚肥

陽月

爾雅十月為陽月孫炎注云純陰用事嫌於無陽故以
名之

柞木

至于陽月焚菜柞木士雅反斫木也周禮柞氏攻草木

豸臚

後漢張邛等欲以立秋日豸臚時共劫更始前書音義
云豸獸以立秋日祭獸王者亦此日出臘用祭宗廟冀

州北郡以八月朝作飲食為臘其俗語曰臘臘社伏音婁

梅潤

石室涼生菌閣虛已應梅潤入圖書林逋詩

夏小正

夏小正者大戴禮之篇名本夏后氏著十二月之候也

八節

四立二分二至為八節皆諸天大慶吉會之日太霄經

文鶯

湛露改寒司文鶯變陽旭王融詩

隨宜倍調

今歲隨宜過寒食明年倍調作清明張說詩

三長月

釋氏智度論曰天帝擇以大寶鏡照四大神州每月一移察人善惡正月五月九月照南瞻部州故唐制此三月不行死刑今俗名三長月

仙茆

帝軒挾鳳鳴以調律唐堯觀奠莢以知月注堯時有草夾階而生隨月開奠莢又曰歷莢又曰仙茆也抱朴子

玄月

九月也范蠡曰王姑待之至於玄月

歲季月除

歲季月除大蜡始節繁霜朝霧淒風夕發文選

梅天

梅天一雨清嚴維詩

子月初

駕幸溫泉日嚴霜子月初王昌齡詩

火改木

君還石門日朱火始改木春草如有情山中尚含綠李白詩

龍火飛

桃花開東園含笑誇白日偶蒙春風榮主此艷陽質宛
轉龍火飛零落早相失李白詩 零落一作雲霧

天南迴

天南迴而變夏火西飛而獻秋李白

花時寔吏切

覽花時之時育文選

冬索春敷

感冬索而春敷嗟夏茂而秋落潘安仁秋興賦

背冬涉春

背冬涉春陰施陽謝七發曰背秋涉冬文選

授寒服

風至授寒服霜降休百工謝宣遠詩

除月

鄭玄曰四月為除文選注

天凝地閉

天凝地閉風厲霜飛文選

日躔胃維

日躔胃維月軌青陸季春之月日在胃維畔也河圖帝覽嬉曰立春春分月從東青道文選青一作清

受節

受節人逾老驚寒菊半黃李嘉祐詩

元日門

三朝

三國朝慶畢休沐還舊邦三朝歲之朝月之朝謝靈運

獻歲

獻歲發春

膠牙錫

元日食膠牙錫取膠固之義荆楚歲時記

却鬼丸

梁武帝正月賜羣臣却鬼丸

獻節

唐太宗正月臨朝詩云條風開獻節灰律動初陽

三元肇慶

徐陵云今三元肇慶六呂司春

如願

錄異記云有商人過清明湖見清明君問所須有人教云但乞如願君許之果得一婢自是商人所有求皆如願曉起而撻之走入糞壤中忽不見今人正旦以細繩繫偶人投于糞壤中云令如願荆楚歲時記

神燕鬼丸

金薄圖神燕朱泥却鬼丸 庾肩吾元旦詩

椒花頌

柏葉隨銘至椒花逐頌來 庾信謝正旦賜酒

長命杯

正旦辟惡酒新年長命杯 庾信詩

辟惡酒 見上

開元首正

開元首正元首皆始也謂正月上日也 甘泉賦

受歲

李嘉祐元日無衣冠入朝白髭空受歲丹陛不朝天

薦屠蘇

陳陶朝元引云萬寓靈祥擁帝居東華元老薦屠蘇

人日門

元七

東平王蒼安仁峰銘正月元七厥日惟人

華勝相遺

荆楚歲時記人日造華勝相遺見賈充李天人典戒云

象瑞圖金勝之形又取像西王母戴勝也

上元門

正月望夜

柳或上奏云竊見近代以來都邑及外州每至正月望

夜充塞街陌聚戲朋遊鳴鼓聒天燎炬照地高棚跨路

廣幙連雲袷服靚粧車馬填咽破貨竭產競此一時寢

以成俗實損於民

迎紫姑

劉敬叔異苑記紫姑本人家妾為大婦所妬正月十五日感激而死故世人作其形於廁以迎卜

寒食門

清明附

繫千秋

未到清明先禁火還依桑下繫千秋注云事見王延壽

千秋賦

山谷詩

紫筍茶

見茶門

千秋戲

徐鉉云案詞人高無際鞦韆賦序云鞦韆武帝後庭之戲本云千秋語訛轉為秋千後人不本其意又旁加革

彩毬

寒食賜麥粥帖彩毬鏤雞子

玉燭寶典

粥香餠白

粥香餠白杏花天

李義山詩

社門

治聾酒

俗言社日酒治聾故李昉贈李濤云社翁今日沒心情

為乏治聾酒一瓶

社翁李濤小字也

擇元日

月令擇元日命人社為社稷春事興故祭之以祈農元日謂近春分前後戊日也

上巳門

元巳

麗日屬元巳年芳具在斯

沈休文詩

細柳圈

雜俎唐制三月三日賜侍臣帶細柳圈免蠱毒

蚕市

三月三日遠近祈福於龍橋命曰蚕市

成都記

蘭亭

蘭亭會者四十一人羲之制序用蚕繭紙鼠鬚筆道勁絕代

大潔

後漢三月上巳官民皆潔於東流水上曰洗濯祓除去宿垢疾爲大潔

讌曲水

顏延年有應詔讌曲水作詩曲水者引水環曲爲渠以流酒盃而行焉

楔飲

宋文帝楔飲於樂遊苑且祖道江夏王義恭

桃花水

韓詩外傳三月桃花水之時鄭國之俗三月上巳於溱洧兩水之上執蘭招魂祓除不祥也

楔絜

風俗通曰楔者絜也於水上盥絜也

布和辰

皇祇發生之始后土布和之辰謂上巳

文選

粵上斯巳

粵上斯已惟暮之春謂於此上巳也 文選

風舞之情

風舞之情咸蕩襖飲之日在茲 文選

油花卜

池陽上巳之日婦女以薺花點油祝而洒之水中若成

龍鳳花卉之狀則吉謂之油花卜 圖經

巳會

晉阮瞻有巳會賦阮脩有巳會詩蓋元巳之會

端午門

筒糴

屈原五月五日投汨羅楚人以其日作筒貯米祭之各

筒糴 續齊諧記

赤靈符

五月五日作赤靈符書著心前以辟五兵 抱朴子

艾先生

端午日以艾爲人置戶上辟惡故師曠占云歲多病則

艾先生 荆楚歲時記

水車

競渡者治其舟使輕利謂之飛又曰水車又曰水馬 荆楚

歲時記

畫扇輪

浴殿涼生畫扇輪

長命縷

更傳長命縷寶曆萬年餘 王禹玉端午詩

赤靈符

欲謝君恩却無語心前笑指赤靈符

王禹玉端午夫人閣帖

九子糴

爭傳九子糴皇祚續千秋

王禹玉端午皇后閣帖

延年縷

夕燃辟惡仙香度朝結延年帝縷成

王禹玉端午帖

翠釜湯

金縷黃龍扇蘭牙翠釜湯

王禹玉夫人閣端午帖

雙條達

繞臂雙條達紅紗晝夢驚

王禹玉夫人閣端午帖

朝節

池陽風俗不喜端午而重夏至以角黍舒鴈相饋遺謂

之朝節

圖經

伏日門

辟惡餅

伏日食湯餅名辟惡餅

荆楚歲時記

亢陽

王彪之賦曰三伏焦暑亢陽重授

七夕門

開襟樓

漢宮女七夕穿針皆會于開襟樓針皆七孔

七孔針見上

相連愛

漢宮七夕臨百子池以五縷相羈謂之相連愛

曝衣樓

太液池西有漢武帝曝衣樓常至七月七日上宮女出
后衣於是樓曝也

百子池

西京雜記戚夫人侍高祖七月七日臨百子池作于闐
樂

織女斜河

沈警遇張女郎廟作詩云靡靡春風至微微春露輕可
惜關山月還成無用明後與女郎遇將別女郎曰姮娥
妬人不肯留照織女無賴已復斜河聞異集

織女無賴

見上

借天帝錢

道書云牽牛娶織女取天帝錢二萬備禮久而不還被
驅在營室故劉子儀詩云天帝娉錢還得否晉人求富
是虛辭

牽郎何在

郭翰問牽郎何在女曰河漢阻隔不復相見

神異經

檐鼓

楚人呼牽牛星為檐鼓爾雅云何鼓謂之牽何荷也亦
檐義也

天媛

天媛貪忙為靈匹幾時留巧向人間劉子儀詩

天之真女

織女天之真女

續齊諧記

癡牛駃女

盧仝詩癡牛與駃女不肯勤農桑徒勞含淫思夕日遥相望

夕無雙

昔離秋已兩今聚夕無雙

謝惠連詠牛女

東南顧

牽牛西北回織女東南顧

沈休文詩

中元門

孟蘭盆

孟蘭盆天竺為孟蘭此云倒懸救器謂目連救母餓鹿如解倒懸之具也今人遂飾食味于盆誤矣

青蓮頰菓

楊炯孟蘭盆賦青蓮吐而非夏頰菓搖而不寒

中秋門

梯雲挈月

周生者有道術中秋夜會月色方瑩謂坐客曰我能挈月置之懷袂因取筋數百條繩而駕之曰我梯取此月俄以手舉月懷中出月寸許光色照爛寒入肌骨也宣志

八月望

將以八月之望觀濤乎廣陵之曲江尚書傳曰十五日日月相望

文選

重九門

九日臺

南齊高祖以九月九日登高懸館世呼為九日臺

菊酒

漢俗九月九日佩茱萸房食蓬餌飲菊花酒云令人長壽其法採花雜黍米釀酒密封置室中至來歲重陽日開謂之菊酒

萸房

魏文頒菊蕊漢武錫萸房

沈佺期九日應制

兩重陽

九月十日即事詩云昨日登高罷今朝更舉觴菊花何太苦遭此兩重陽

李白

冬至門

五日樂

冬至始人主與君臣左右從樂五日天下亦家家從樂五日以迎日至之禮

易通卦驗

三極

冬至日有三極晝漏極短去北極遠晷景極長

月令

日正南

見日門

踐長

曹植曰冬至獻履所以迎福踐長

獻履

見上

觀臺

僖公五年正月辛亥朔日南至公既視朔遂登觀臺以望而書禮也凡分至啓閉必書雲物為備故也

候景

登社闔門以候景至闔讀與開同候冬至之景也

寢鼓息兵

晉劉遐云冬至微陽初興寢兵息鼓不欲震蕩也

一線

杜詩刺繡五紋添弱線魯直詩宮線添尺餘歲時記謂魏晉間宮中以紅線量日影冬至後日影添長一線未知孰是

臘日門 除日附

臘賜

漢官儀臘賜大將軍三公錢各一十萬特進及卿以下有差

用漢祖臘

陳咸平帝時爲尚書王莽篡位咸猶用漢家祖臘

盜樹

陳留志曰范喬邑人臘夕盜斫其樹人有告喬佯不聞邑人愧而歸之喬曰卿臘日取柴欲與父母相歡娛耳竊食

袁山松後漢書曰韓卓字子助陳留人臘日奴竊食祭其先人卓義其心即免之

宿歲

荆楚歲時記歲暮家家具殺款備宿歲之儲以迎新年

沉香火山

隋主每除夜設火山數十座盡沉香木根也火山暗則以甲煎沃之焰起火香傍聞十里

海錄碎事 卷二
儺門

儺翁儺母

歲除日進儺內二老人為儺翁儺母

逐除

呂氏春秋注云前歲一日擊鼓驅疫癘之鬼謂之逐除亦曰儺

三儺

論語疏儺逐疫鬼也為陰陽之氣不節厲鬼隨而作禍故天子使方相氏黃金為四目熊皮為帽口作儺儺之聲以驅疫鬼一年三遍故曰三儺

儺儺之聲 見上

逐除 見上

陰陽門

陰閉陽開

師爾陰閉雪然陽開 甘泉賦

陰陽氣

淮南子積陽之熱氣生火積陰之寒氣為水

陰陽之精 見歲曆門

律呂門

黍谷

劉向別錄鄒衍在燕燕有谷地寒不生五穀衍乃吹律而溫氣至堪植黍今謂之黍谷

灰剩飛

李賀閏月詞天官玉琯灰剩飛

文好律曆

張蒼文好律曆注云名為好律曆也

易京

君明識音律京房字君明精於易故曰易京

寸管下僚

寸管下僚天地不能以氣欺尺表逆立日月不能以影

逃陸機演連珠

刻漏門

銅龍

玉壺傳點咽銅龍李義山詩

刁斗

虞子陽詩刁斗靈夜驚注以銅作鐮受一斗晝炊食夜

擊持行漢注

渴烏

李蘭刻漏法云以銅為渴烏以引器中水以銀龍口中吐之蕭貫曉寒歌云渴烏涓涓不相續

桑廡

桑廡不徙而大功立言晷刻未移也劉子曰窺之知舜未違桑廡

秋點長

李郢詩云江風徹曙不成睡二十五聲秋點長金華子

蓮花漏

燕肅獻蓮花漏而不與崇天曆合罷在潮州又為海潮圖海潮論

壺郎

陸倕賦掌漏官謂之壺郎

金柝

潘岳謂刁斗曰金柝大銅點亦是也

丁丁漏水

丁丁漏水夜何長漫漫輕雲度月光 王涯秋夜曲

龍漏

唐太宗冬宵詩彫宮靜龍漏綺閣宴公侯

三嚴

唐制日未明七刻槌一鼓為一嚴侍中奏開宮殿門及城門未明五刻槌二鼓為再嚴侍中版奏請中嚴羣官五品以上俱集朝堂未明二刻槌三鼓為三嚴侍中中

書令以下俱詣西閣奉迎鑾駕出宮詣太極殿 續時令儀

蘭夜

蘭夜沈沈鵲漏長 劉子儀詩

鵲漏 見上

嚴更

衛以嚴更之署西都賦注嚴更督夜行鼓也

增漏刻

漢書漏刻以百二十為度韋昭曰舊漏晝夜共百刻哀帝增之

孔壺為漏

孔壺為漏浮箭為刻 續漢書

叢木

海金石事 卷二
叢木乖方擊刁舛次注打更木也挈壺氏曰凡軍事懸壺以序聚橐新刻漏銘

金徒抱箭

銅史司刻金徒抱箭注張衡漏水轉渾天儀制曰蓋上又鑄金銅仙人居左壺為胥健居右壺皆以左手抱箭右手指刻新刻漏銘

寒暑門

歌蒸歌許喬切

選歌蒸鬱冥張茂先詩

闡暑

述職期闡暑理棹變金素金西方其色白故云金素選詩

暄濁

秋夜涼風起清氣蕩暄濁張景陽詩

綿絮折

阮籍歌曰陽和微弱陰氣竭海凍不流綿絮折呼吸不通寒冽冽一作則

蟬喘雷乾

貫休熱詩蟬喘雷乾并并融

仲暑月

吳子夜四時歌鬱蒸仲暑月

燥濕遘厲

燥濕遘厲寒暄結豐選

南羲熾暑

南羲熾暑

潘岳狹室賦于時融火炎鶉精共耀南義熾暑夕陽傍
照

奇寒

梁道明少遐宴魏崔劼劼曰今歲奇寒江淮亦冰酉陽雜俎

冰蛇

明皇以申王畏暑賜冷蛇不傷人白如冰雪玩之不熱酉陽雜俎

臨淄汗

實無河朔飲空有臨淄汗何遜苦熱詩

寒事

魯國寒事早初霜刈渚蒲李白詩

奮景炎

奮景炎揚洪輝注景明炎盛也選

握冷鑲

清砌千迴坐冷鑲再三握韓退之納涼詩

蒸暑

涼風徹蒸暑王仲宣詩

虐暑薰天

虐暑薰天涸陰凝地演連珠

沉寒凝海

沉寒凝海烈火流金演連珠

水旱門蝗虫附

陽肝

淮南子曰禹為水以身請於陽肝之河湯苦旱以身禱

于桑林之祭

無陰以憩

應璩與岑文瑜書頃者炎旱日更增甚沙磧銷鑠草木焦卷處涼臺而有鬱蒸之煩浴寒水而有灼爛之慘宇宙雖廣無陰以憩土龍矯首于玄寺泥人鶴立于闕里

土龍泥人 見上

剪爪

割髮宜及膚剪爪宜侵肌 應休璉書

旱母

蕭正歷淮南晉陵吳郡太守所至必赤地大旱其人號

旱母焉

龍星

杜預云龍見而雩謂建巳之月龍星角亢見東方雩遠也遠為百穀求膏雨也鄭玄云雩吁也吁嗟而求雨

閔雨

魯僖公時大旱公憂閔玄服避舍釋徭罷誅所蠲浮苓四十五事乃大雨 春秋考異記

龍親家

李玘言求雨取蛇醫四十頭石甕二枚實以水浮二蛇醫以木蓋密泥之令十歲小兒執小青竹晝夜更擊其甕試之一日兩夜雨大注舊說龍曾與蛇師為親家也

崖山

太原東有崖山天旱土人常燒此山以求雨俗傳崖山神娶河伯女河伯見火必降雨救之 雜俎

海錄萃事 卷二 二十九

尸子曰商湯救旱素車白馬嬰白茅以身爲牲

蝨水

往因蝨水頗傷時稼謂蝗蟲及水災也 北史

崇國門

唐制久雨崇祭國門諸州崇城門

土氣不養

吳孫皓時常歲無水旱苗稼豐美而實不成百姓以飢
闔境皆然連歲不已吳人以爲傷露非也按劉向春秋
說曰水旱當書不書水旱而曰大無麥禾者土氣不養
稼穡不成此其義也

耕父

山海經豐山神耕父常遊清冷之淵出入有光又有九
鐘霜降則鳴南都賦注耕父旱鬼也

旱得蹇卦

漢明帝時大旱御雲臺之上筮得蹇卦帝以問沛王輔
輔曰蹇者坎上艮下此山上有水雨即至矣果如其言
石井

安成記云羅霄山有石井天旱祀之以木投井中即雨
至井溢木出雨乃止

俱魍

淮南子曰西施毛嬙猶類醜也高誘曰俱醜請雨土人
也

小雨由山

張士伯禱雨于崑山忽聞空中語曰大雨由天小雨由山

災異門

地開成井

梁晉通二年始年郡石鼓村地自開成井方六尺六寸深三十二丈

龍鬪

梁晉通五年六月龍鬪於曲阿玉陂因西行至建陵城所經極木倒折開數十丈

星隕如雨

梁大通四年七月星隕如雨

黃塵如雪

梁大同二年十一月雨黃塵如雪攬之盈掬

雨灰

大同三年正月雨灰黃色

辟邪起舞

大同元年曲阿縣建陵隧口石辟邪起舞又青蟲食陵樹葉略盡

竟天有聲

梁大同元年六月竟天有聲如風雨相薄

天裂

太清二年六月天裂于西北長十丈濶二丈光出如雷其聲若雷

兩月相承

海錄萃序

梁大同二年正月朔兩月相承如鈎見于西方

游仙震動

梁武帝捨身光嚴重雲殿游仙化生皆震動三日乃止當時謂之祥瑞識者以為不動而動在洪範以此有石季龍之敗

石言

左傳昭八年石言於晉平公問於師曠對曰石不能言神或憑依作事不時怨譴動於民則有不言之物而言

錢龍

梁元帝幸玄洲苑見大蛇盤屈于前羣小蛇遶之皆黑色帝惡之官人曰此非怪恐是錢龍帝以錢千萬鎮其處

奈何帝

陳後主未敗前蔣山衆鳥鼓翼而鳴曰奈何帝奈何帝

黃衣圍城

陳後主夢黃衣圍城乃盡去遶城楸樹

雪且雷

宋文帝元嘉七年二月雪且雷

雨草

宋明帝泰始四年雨草于官中

彗星

彗星將出彗星何懼乎

堂堂有此

彗星見齊景公坐柏床歎曰堂堂誰有此乎

霜晝下

齊河清二年十二月霜晝下雨血於太原

木飢火旱

太歲所在金穰水毀木飢火旱此其大經也

星搖

元光中天星盡搖星搖者勞民也其後伐四夷百姓勞於兵革

月食星

孟康凡星入月見月中爲星食月月掩星星滅爲月食星

流星如雨

元延元年有流星頭大如缶長十餘丈皎然赤白色從

日下東南去四面或大有如盆或如鷄子燿燿如雨下昏止郡國皆言星隕春秋星隕如雨爲王者失勢諸侯起伯之異其後王莽遂顛國政因以篡位

木冰

魯成公十六年雨木冰劉向以爲冰者陰之盛而水滯者也木者少陽貴臣卿大夫之象也此人將有害則陰氣脅木木先寒故得雨而冰也是時叔孫喬如出奔公子偃誅死

木介

又或曰今之長老名木冰爲木介甲兵之象也

黑雲如焱

有黑雲如焱風亂鬢爲兵象鬢音舜髮也

呂氏春秋

天開縣物

天開縣物地動圻絕注天裂而見物象也

前漢志

石鼓鳴

漢成帝鴻嘉三年大水冀南山大石鳴聲隆隆如雷名之曰石鼓鳴亦主兵象是歲廣漢鉗子劫畧吏民自號曰山君

龜孽鷄既

傳曰貌之不恭是謂不肅時則有服妖龜孽鷄既下體生上之疴青眚青祥說曰草木之類謂之妖虫象之類謂之孽六畜謂之既人謂之疴異物生謂之眚自外來謂之祥

冠狗

昌邑王賀為王時見大白狗冠方山冠龔遂曰此天戒言在仄者盡冠狗也

鷄生角

京房易傳曰賢者居明夷之世為時所傷或眾邪在位厥妖鷄生角為時所傷一作知時所傷

鼠舞門

又誅不原情鼠舞門

鼠巢柏

成帝時鼠銜黃蒿實柏葉上及榆樹上為巢此賤人居顯貴之位也其後趙皇后自微賤登至尊

天雨毛

天雨毛賢人逃邪人進

海金石事 卷二
牡飛

成帝時長安章城門門牡自亡京房曰闕動牡飛辟爲無道臣下爲非

草妖

視之不明厥咎舒時則有草妖 並漢書

鼓妖

君嚴猛而閉臣戰慄而塞耳則妄聞之氣發於音聲故有鼓妖 京房易傳標一作標

不書霰

盛陰雨雪凝滯而冰寒陽氣薄之不相入則散而爲霰春秋不書霰者猶月食也 京房易傳

馬頭電

元封元年雨電大如馬頭二年電如鷄子成帝時雨電大如斧蜚鳥皆死 東漢志

魚星

魚星中河而處車騎滿野

華孽

華孽謂秋冬草木復華也 東漢志

水波木搖

易傳曰臣事雖正專必震其震於水則波於木則搖於屋則瓦落

蜮生南越

蜮生南越越地多婦人男女同川淫女爲主亂氣所生日夜食

海錄碎事 卷二
莊公十八年日食穀梁傳曰不言日不言朔夜食也史
推合朔在夜明旦日食而出出而解是為夜食劉向以
為象晉文行伯道召天王而朝之日食者臣之惡也夜
食者掩其罪也

薄食

京房易傳曰凡日食不以晦朔者名曰薄日月雖不同
宿陰氣盛薄日光也

彗星極異

彗星極異也七精所生

地鏡

宋文帝時青州城南遠望見地中如水有影謂之地鏡
星入井

有司奏太白犯東井東井秦之分太白罰星必有暴兵
起於京師星入井必將渴耳

罰星

晦朔門

決瀦

曉星正寥落晨光復決瀦上烏朗下莫蕩切不明之貌
謝玄暉詩

晨光

促促

促促薄暮景 陸士衡選詩

四五圓

下車如昨日望舒四五圓 選張景陽雜詩

星闌

夜聽極星闌朝遊窮曛黑闌稀也 陳琳詩

薄暮景

願垂薄暮景照妾桑榆時 劉休玄擬古

紅旭

紅旭對黃昏 吳融詩

飛暮塵

幽興殊未盡東城飛暮塵 耿緯詩

暮序

稱陰晦平陸淒風結暮序 謝微儋

十四昔

十四昔十四夕也

旬次

密邇旬次言一兩日間也 南史

浹辰

十日則一周故言浹日十二日則一辰浹故言浹辰

曉隴聰

李賀九月詞露花飛飛風草草翠錦爛斑滿層道雞人唱罷曉隴聰鴉啼金井下疎桐

星盡

星盡四方高萬物知天曙 李賀詩

日餘

輕煙澹柳色重霞掩日餘 何遜詩

遲明

海錄存事 卷二 三十四
遲明園苑樹三匝文穎曰遲未也史記作遜明亦徐緩之意

物爽

十一月辛巳朔旦冬至物爽天子始郊注物爽謂日尚冥蓋未明之時也音忽前漢志

夕景昏

一笑復一歇不知夕景昏李白詩

五曉

哀哀晨雞鳴夜夜達五曉李白

旬歲間

翟方進為丞相司直旬歲間免兩司隸注旬歲猶言滿歲若十月之一周也

夜叅半

夜叅半而不寐叅及也選賦

玄夜

遺思在玄夜相與復翺翔劉公幹詩

曛日

朝忘曛日馳曛日晚也謝靈運

暑宴

暑宴夏日晚謝靈運

對星分

獨靜闕偶坐臨堂對星分言夜也周禮以星分為夜謝靈運

辰漢中

海錄碎事 卷二
寢興鬱無已起觀辰漢中注辰太辰漢天河也中正也
謝靈運

夜景

夜景湛虛明 陶淵明詩

頽暮

遊子直頽暮 陶淵明詩

落景

徘徊踐落景日暮也 謝鯤詩

熹微

恨晨光之熹微 陶賦

半景

趙彥昭應制詩雲驟驅半景星躔坐中天

初星

溪北映初星謂初夜也 李嘉祐詩

合昏暮卷

合昏暮卷莫莢晨生注合昏槿也其葉夜合而明舒 陸公佐新漏刻銘

清猿

清猿與壺人爭旦 出應璩書

月死為灰 見日門

光景門

决隙

二世謂趙高曰人生世間譬猶騁六驥過决隙也

飛光

李賀苦畫短詞云飛光飛光勸爾一杯酒吾不識青天
高黃地厚唯見月寒日暖來煎人壽食熊則肥食蛙則
瘦

利門名路

利門名路兩何憑百歲風前短焰燈 杜荀鶴贈詩

一窖塵

百年奇特幾張紙千古英雄一窖塵 謝濤詩

蓬科

山谷云著鞭莫落人後百年風轉蓬科

流電驚

人生能復幾條如流電驚 陶詩

酣中客

寄言酣中客日沒燭可炳

葉中華

皎皎雲間月灼灼葉中華豈無一時好不久當如何 陶淵明詩

口燥唇乾

美哉行古詞云來日大難口燥唇乾言人命不可保當
樂見親友且求長生術

星燧貿遷

星燧貿遷江山阻隔 段成式

短短

白日何短短百年苦易滿 李白詩

日臨圭

海錄卷二
日臨圭而易落畧中找而南僚蕭子雲歲暮賦

周年

急景周年鶴賦

老晚晚

時飄忽其不再老晚晚而將及歎逝賦

時飄忽見上

世閱人

川閱水而成川水滔滔而日度世閱人而成世人冉冉而行暮歎逝賦

薄暮途

年彌往而念廣途薄暮而意迮歎逝賦

日西頽

歲云暮今日西頽選寡婦賦

一瞬

撫四海於一瞬呂氏春秋曰萬世猶一瞬

曜靈俄景見日門

容華消歇

容華坐消歇端為誰苦辛陸機長歌行容華宿夜零

頽魄傾曦見日門

日歸

日歸功未見時往歲載陰選詩

後塗

前路既已多後塗隨年侵年一作欲陸士衡詩

隨年落

容華隨年落 選詩

來日苦短

來日苦短去日苦長 陸士衡短歌行

生年

生年不滿百常懷千歲憂 選古詩

衡紀

衡紀無淹度晷運倏如催玉衡星也 選古詩

圓景

圓景早已滿曹子建云圓景光未滿眾星粲已繁

代祀忽

參差代祀忽寂寞市朝變

年運倏

業遙年運倏 以上皆選古詩

河無梁

怨彼河無梁悲此年歲暮 陸士衡擬古

露彩月華

露彩方泛艷月華始徘徊 休上人

時邁齒戴

時邁齒戴與耄同 陳孔璋牋

百年已分

謂百年已分可長共相保謂百年之歡為已分之有分

去聲 魏文帝書

人生行樂

人生行樂耳須富貴何時 楊惲書

侯河之清

侯河之清人壽幾何 周詩也

駟隙

駟隙不留尺波電謝 劉孝標書

促世珠

瑟瑟盤傾促世珠黃泥局瀉流年箭 陳陶將進酒

忽西流

夕陽忽西流 劉越石詩

風景門

朝華夕秀

謝朝華於已披啓夕秀於未振 文賦
供餘清

陸龜蒙新秋月詩風初寥寥月乍滿杉篁左右供餘清

曉氣酣

宮北田塍曉氣酣 李賀

霄幄

仲長統云垂露成幃帳霄成幄

明玕清瑤

迢迢槐江嶺是謂玄圃丘亭亭明玕照落落清瑤流 陶

詩

疊疊秋

疎煙疊疊秋 杜牧詩

村幕幕

曷浴漲汪汪鴉嬌村幕幕 杜牧

光汎汎

好鳥響丁丁小溪光汎汎普八切杜牧詩

峯伍伍

綺席草芊芊紫嵐峯伍伍杜牧詩

差新燕

野水差新燕芳郊哢夏鶯杜牧

遠舍啼

泉聲

黯淡天

柳暗霏微雨花愁黯淡天杜牧詩

半峯寒

塵飛遠騎沒日徙半峯寒庾肩吾詩

山山澗澗

山山白鷺滿澗澗白猿吟李白詩

轉疎雨

落景轉疎雨晴雲散遠空李白

沉青靄

落日舟去遙迴首沉青靄李白

終日夕

清風無閒時瀟洒終日夕李白

落日低軒

落日低軒窺燭盡飛花入戶笑牀空李白春愁詩

風谷雲谿

右當風谷左臨雲谿七命

鱗鱗夕雲

鱗鱗夕雲起獵獵晚風道鮑明遠

樹披衣

雨崑天作帶雲壑樹披衣

雨崑見上

江樹

雲中辨江樹謝玄暉詩

帶迴谿

下屬帶迴谿迴曲也潘安仁詩

雪罷枝青

雪罷枝即青冰開水便綠王僧孺詩

皺月

全溪詩戰蒲知鴈唼皺月覺魚來

湛清華

水木湛清華謝叔源詩

凄緊

風物自凄緊殷仲文

空水澄鮮

雲日相輝映空水共澄鮮謝靈運

汜崇蘭

光風轉蕙汜崇蘭汜音汎楚辭


崖谷共清

崖谷共清風泉相煥

海鏡石

卷二

五



張